

Eka vadyondzikulobye, Xitafu na Khale ka vadyondzi

Ndzi mi tsalela hi nkarhi wa minkokakokisano, hi tlhelo rin'wana ku na mikitsikitsi leyi fambisanaka na magoza ya vatrhi lama vangaka ku kavanyetiwa ka mitirho na ku vaviseka ka xindzhuti na ku tshembeka ka instituxini leyi kulukumba, Yunivhesiti ya Misava, kasi hi tlhelo rin'wana, ku na ku tiyimisela kukulu ka van'wana leswo instituxini yi kota ku ya emahlweni no humelela loko swilo leswi ku phikizaniwaku hi swona ku ri karhi ku langutaniwa na swona.

Ndzi lemuka swinene leswo vunyingi bya n'wina mi ti yimiserile ku ya eka tikhempasi to hambana ku ya endla mitirho ya n'wina ya ku tirhela vakhomaxiavo, ngopfu ngopfu machudeni, kambe ma siveriwa ku endla tano hi vukona bya vatrhiikulobye va vukarhi eka tindhawu to nghena na mapato lama ya yaku eka tikhempasi, ngopfu ngopfu eka tikhempasi ta Pitori na le Florida.

Xiyimo xi nyanyisiwe hi vukona bya ku ya emahlweni hi xiyimo xa ku siva mapato na tindhawu to nghena hi mathyaka, mitsandze ya mirhi, ku hisiwa ka tithayere na switlhavatlhavani emapatwini na ku chavisiwa ka vanhu.

Hambiswiritano, mbilu ya mina yi wisiwe hi swiviko na ku vona leswo exikarhi ka hinkwaswo leswi, ku na vanhu van'wana va Unisa lava va yaku emahlweni ku kuma tindhela to tiyisa leswo misingiriko yin'wana ya vutirheli bya nkoka leyi yi nyiketiwaka hi yunivhesiti yi ya emahlweni handle ko kavanyetiwa.

Tanihilaha mi swi tivaka, Wavuntlhanu lowu nga nundza, a ku ri siku ro sungula ro tsala swikambelo swa semesta yo sungula ya 2022. Ndzi tsake ngopfu ku amukela swiviko swa leswo siku ro sungula ra swikambelo ri fambe kahle, na leswo tisisteme hinkwato ta swikambelo swa semeste yo sungula swi lulamile. Ndzi tlhele ndzi nyiketwa na xitiyiseko xa leswo hambu ko va na mitlhontlho yo karhi, swipanu leswi swi nga sunguriwa ku langutana na swikambelo swi kota ku vona mitlhontlho leyi na ku nghenela hi xihatla.

A swi tsakisa ku tiva leswo hambu ku ri na swiviko swo ka swi nga ri ntiyiso leswi swi endlwaku eka swiyenge swin'wana, Swikombelo swa hina swa Semesta swa Online leswi swi nga pfuriwa hi ti 10 ta Meyi swi famba kahle. Xiyenge lexi xa swikombelo, swi pfuleriwe tikhwalifikhexini to karhi ntsena ta lava va nga si ku thwasaka, va Honours na levhele ya tidiploma ta le ndzhaku ka vuthwasi, swi ta pfuriwa hi ti 31 ta Meyi 2022.

Hi vito ra Vufambisi bya le Henhla na yunivhesiti hinkwayo ka yona, ndzi rhandza ku khensa swinene eka vatrhiikulobye lava nga le ka swiyimo leswi, lava va yaku emahlweni no yimela brand ya yunivhesiti hi ku tiyimisela na ku chivirika, hambu loko ku ri na mbangu wa ntlhontlho.

Ku khensa ko suka embilwini ku ya na le ka vatrhiikulobye eka swiyenge swin'wana lava va yaku emahlweni ku endla mitirho ya vona, na le hansi ka swiyimo swo tika.

Hi kombela mi va na xitiyiseko xa leswo ha ha tiyimiserile ku ya emahlweni hi mikanelo ya ximfumo na ya swa nawu na vatrhiikulobye lava va nga le ka magoza ya vatrhi ku vuyerisa ku ya emahlweni ka nongongoko wa Akhademiki, minsinya ya Vumunhu, fambiselo lerinene na Vululami eka vanhu. Kambe hi rhandza ku vula leswo tanihi Vafambisi, leswo Tiyunivhesiti i tiinstitutuxini ta vanhu lava va vurhumiwa bya vona ku nga ku vumba machudeni tanihi vanhu va miehleketo yo enta, lava va tirhelaku xichava, na swona lava va nga le ka xiyimo xa le henhla xa ku cinca swilo eka swa tipolitiki na swa ikhonomi, hi tirhisa vuaki bya vutivi na vuhangalasi bya byona. Lexi i xivitanelo na vurhumiwa lebyi Unisa yi nga ka ku yi byi tshika. Hikokwalaho, hi kombela vatrhiikulobye hinkwavo lava va nga le ka ku tereka leswo va fanele ku endla tano hi ku landza tipholisi ta Yunivhesiti, na milawu ya tiko, leyi, exikarhi ka swin'wana yi phikizanaku na madzolongu, ku chavisiwa ka xitafu na machudeni na/kumbe ku tikhoma hi ndlela ya vugevenga. Hi tibohelala ku ya emahlweni na mikanelo ku kuma switlhantlhi swa swirhalanganyi eka magoza ya vatrhi lama endlwaka sweswi.

Eka n'wina hinkwenu lava va ya ku emahlweni na nongonoko wa Akhademiki, hi rhandza ku mi amukela no mi khensa hi mitirho ya n'wina leyinene. Leswi hi le ku swilemukeni. Ha mi khensa swinene hi ku tlakusela ehenhla mujeko wa Unisa eka nkarhi lowu wo tika.

Mi endle kahle, Yanani emahlweni.

Ndza mi rungula

Prof Puleng LenkaBula

Prinsipala na Xandla xa Chanselara